



*Jumat, 04 Februari 2022*  
**Ogen: Esekiel 26:1-21**



*"Tradasken Kerina"*



**K**inirawan Dibata icidahkenNa man Kalak Tirus, bali bagi kalak Pilisti. Paksa si e, Dibata jadi imbang kalak Tirus guna ncidahken kerna kekuasaan Dibata, ayat 3 nina Dibata, *"Aku kap musuhndu, o Kuta Tirus. Kusuruh melala bangsa nerang kam, ia reh desken galumbang lawit."* Ibaba Dibata me Raja Nebukadnezar si mbelin guna ikut nerang kalak Tirus e.

Dua wari enda, kita berefleksi arah renungenta gelah kita ndalanken kerna sura-sura Dibata segelah kinirawan Dibata nandangi kita bene ras sasap i bas kita nari. Wari enda pe kita ipersingeti mulihi guna mpekena-kena hubungenta ras Dibata. Pernah nge kita merenung kerna si e? Uga nge enggo hubungenta ras Dibata sedekah enda? Rusuren erban ceda pusuh Dibata ntah rusuren erban meriah akap Dibata nandangi perbahanenta?

Dibata kap simada doni enda. Dibata me sierkuasa erban sura-suraNa nandangi doni enda. Adi bangsa Tirus iradaskenNa maka kita pe baci kena rawa Dibata. Emaka tupung kita kerina ibereken Dibata denga kesempatan guna mpekena-kena hubungenta ras Dibata, mari sipergunakan kesempatan enda guna mpekena-kena geluhta sekalak-sekalak. Lalit si bujur sada pe lang, emaka kerina kita seri iadep-adepen Dibata. Ula pernah nirangken kegeluhenta ras Dibata, sebab Ia me ulu kegeluhenta, Ia me singasup ngkuasai kerina kegeluhenta. Jadi, lanai lit dalanta nilah arah Ia nari bas kegeluhenta. Tuhan ngkuasai geluhta segelah kita pe ngasup ndalanken singena ate Dibata. Tuhan ras kita seh rasa lalap.